


DISKOA ETA DVD-A

Izenburuak: 'Kantari' eta 'Leidor!'. **Egilea:** Poxpolo ta Konpainia. **Edukia:** 11 abesti bildu dituzte diskoan. Leidor antzokian eskaintzen duten urteroko emanaldiaren pasarteak eta Mokolo pailazoaren omenaldia jasotzen dira DVDan. **Prezioa:** Diskoa zein DVDa, 20 euro. **Webgunea:** *Poxpolotakonpainia.com* **Argitaratzailea:** Poxpolo ta konpainia.



foiak, tronboiak eta haize instrumentuak ere asko erabili ditugu. Tolosan txarangazaleak gara, eta horixe igartzen da diskoan.

Lagun taldearen konpainia izan duzue, beraz?

Mokolo hil zenez geroztik, ea Poxpolo bakarrik zen galdetzen zuen jendeak. Bakarrik nekez egin liteke ezer, eta, horregatik, Poxpolo ez da sekula bakarrik egoten, beti konpainiarekin ibiltzen da. Horregatik izena du taldeak hala: Poxpolo ta Konpainia. Eta, kasu honetan ere, halaxe izan da: talde handia izan dugu lagun. Gu ez gara kantari profesionalak, eta, beraz, gure kantuak goxatzeko eta kolorea emateko, Elene Arandia abeslariaren laguntza paregabea izan dugu; gurekin batera kanta guztiak abestu ditu, eta horrek eman dio diskoari behar zuen kolorea. Arandiaz gain, haurrak ere gurekin izan dira: Loatzoko musika eskolako haurrak eta Irurako ikastolako ikasleak.

Diskoarekin batera, DVDa ere prestatu duzue ikusleentzat?

Urtero, Gabonetan, emanaldi berezia egiten dugu Tolosako Leidor antzokian. Plazaz plaza gabiltzanean egin ezin ditugun gauzak prestatzen ditugu emanaldi berezi horretarako. Tolosako Udaberri dantza taldeko lagunak ere gure abestiak ikasten dituzte, koreografiak prestatzen dituzte eta ikuskizunean parte hartzen dute. Emanaldi osoago bat egiten saiatzen gara. Urtero, emanaldi hori bigeoz grabatzen dugu. Urtero DVD bat argitaratzeko aurrekonturik ez dugu, baina. Bizpahiru emanaldi grabatuak genituela baliatuz, DVDan jasotzea erabaki dugu. Hala, emanaldietako pasarte batzuk aukeratu, eta DVDa osatu dugu. Gauza alaiak, arinak txertatu ditugu, eta magia trikimailu txikiak ere sartu ditugu.

Mokolo zena ere gogoan izan duzue.

Bai. Mokoloren omenez, esketx txiki bat egin genuen, eta hura ere ikus daiteke DVDan, hura oroitzea ere beharrezkoa zela uste baiken; Mokolo ezagutzeko plazera izan ez zutenek haren berri izan dezaten.

Iker Galartza

POXPOLO PAILAZOA

«Disko martxosoa da, dantzagarrria eta oso animatua»

Herriz herri, batetik bestera ibiltzeari utzi ez badiote ere, azken bost urteetan ez zuten lan berririk aurkeztu, eta, bat-batean, bi eskaintza berrirekin datoz Poxpolo ta Konpainia: *Kantari* diskoa eta *Leidor!* DVDa. Abesti ezağunak zein sortu berriak bilzen dira diskoan. DVDan, berriz, urtero Tolosako (Gipuzkoa) Leidor antzokian eskaintzen duten emanaldiaren hainbat une ikus daitezke; Mokolo pailazoa ere gogoan izan dute. Poxpoloren hitzetan, ongi pasatzeko aproposak dira abesti zein esketx guztiak.

Zer bildu duzue 'Kantari' diskoan?

Mokolo hil zenetik, ez genuen disko berririk atera, eta abesti zaharrak kantatuz genbiltzan, han eta hemen. Haurrak ezağutzen dituzte abestiak jada, eta haiek zein gu oso gustura genbiltzan. Hala ere, zerbait berria egiteko garaia bazela uste genuen, eta, halaxe, disko berrirako abestiak sortzen hasi ginen. Hiru bağenituen jada, eta diskoa osatzeko beste batzuk sortzea erabaki genuen. 11 abestiko bilduma osatutakoan, diskoa grabatzea erabaki genuen.

Abesti guztiak ez dira berriak, baina?

Poxpolo ta Konpainiak Tolosako Leidor antzokian eskainitako emanaldiko irudi bat. POXPOLO TA KONPAINIA

Ez, ez, badira betidanik ezağutzen ditugun abestiak ere. Diskorako abestiak sortzen ari ginela, haurrentzako hain ezağunak diren kanta batzuk sartzea beharrezkoa ikusi genuen: *Alferraren astea* eta *Markoxen txarrix*, kasu. Hala, sortu berri genituen abestiekin batera, beste hainbat herri kanta txertatzea erabaki genuen. Orotara, beraz, sekula entzun gabeko sei abesti berri daude, eta gainerako bostak Euskal Herriko herri kanten bertsiok dira. Ikusleek abesti berriak gustura hartzen dituzte, baina den-denak berriak izatea ere ez dute nahi izaten. Beraz, nahasketa bat egitea erabaki genuen.

Hitz gutxitan, nola definituko zenuke diskoa?

Disko martxosoa da, dantzagarrria eta oso animatua. Oso kanta alaiak dira ia guzti-guztiak. Eta animaliek protagonismo handia dute, haurrek animaliak oso gogoko dituztela ongi baitakigu. Hala, asto bat sortu dugu ikuskizunerako, eta abesti bat egin dio. Astoarekin batera, Bizkaiko *Markoxen txarrix* gogora ekartzen dugu diskoan, eta baita behi bat ere. Ukuilu giroko diskoa atera zaigula esan liteke.

Oso hemengo diskoa egin dugu: akordeoi eta eskusoinu doinu asko dituzte kanteak; tronpetak, saxo-